



O‘ZBEKISTON RESPUBLIKASI NAMANGAN VILOYATI
UCHQO‘RG‘ON TUMANI HOKIMINING
Q A R O R I

2021 - yil 27 - noyabr

410-6-87-Q/21

Uchqo‘rg‘on tuman hokimligi

Ўзбекистон Республикаси Президентининг “2024 йил Париж шаҳрида (Франция) бўлиб ўтадиган XXXIII ёзги Олимпия ва XVII Паралимпия ўйинларига Ўзбекистон спортчиларини комплекс тайёрлаш тўғрисида” 2021 йил 5 ноябрдаги ПК-5281-сонли ва шу ҳақидаги вилоят ҳокимини 2021 йил 14 ноябрдаги 357-6-0-Q/21-сонли қарорлари ижроси ҳақида

Ўзбекистон Республикаси Президентининг “2024 йил Париж шаҳрида (Франция) бўлиб ўтадиган XXXIII ёзги Олимпия ва XVII Паралимпия ўйинларига Ўзбекистон спортчиларини комплекс тайёрлаш тўғрисида” 2021 йил 5 ноябрдаги ПК-5281-сонли ва шу ҳақидаги вилоят ҳокимини 2021 йил 14 ноябрдаги 357-6-0-Q/21-сонли қарорларини туманда ижросини таъминлаш мақсадида, “Маҳаллий давлат ҳокимияти тўғрисида”ги Ўзбекистон Республикаси Қонунининг 6 ва 25-моддаларига асосан,

ҚАРОР ҚИЛАМАН:

1. Ўзбекистон Республикаси Президентининг “2024 йил Париж шаҳрида (Франция) бўлиб ўтадиган XXXIII ёзги Олимпия ва XVII Паралимпия ўйинларига Ўзбекистон спортчиларини комплекс тайёрлаш тўғрисида” 2021 йил 5 ноябрдаги ПК-5281-сонли ва шу ҳақидаги вилоят ҳокимини 2021 йил 14 ноябрдаги 357-6-0-Q/21-сонли қарорлари ижро учун қабул қилинсин.

2. Ўзбекистон Республикаси Президентининг мазкур қарори билан:

Олимпия ва Паралимпия ўйинларига Ўзбекистон спортчиларини тайёрлашнинг устувор вазифалари этиб қуйидагилар белгиланганлиги:

спорт таълими тизимини тубдан такомиллаштириш ва рақамлаштириш,

олимпия ва паралимпия дастурларига киритилган спорт турлари бўйича юқори натижадор ва олимпия спортчилар захирасини яратиш, лицензиялар сонини сезиларли даражада кўпайтириш;

спорт менежментини такомиллаштириш, ҳар бир бўғинни аудитдан ўтказиш ва халқаро стандартларга мувофиқлаштириш;

спорт фармакологияси, психологияси, тиббиёти, диетологиясини чуқур таҳлил қилиш ва ўрганиш, улар натижасида илмий асосланган таклифлар ишлаб чиқиш;

Олимпия ва Паралимпия ўйинларида иштирок этиш учун талабгорлар орасида аёл спортчилар улушини ошириш, Ўзбекистон спортчилари ўртасида гендер тенгликни таъминлаш;

спорт базалари ва иншоотларининг моддий-техник базасини мустаҳкамлаш,

замонавий стандартларга жавоб берадиган янги спорт объектларини барпо этиш, улардан мақсадли ва самарали фойдаланиш;

мамлакатимизда белгилаб берилган паралимпия ҳаракатини ривожлантиришнинг асосий йўналишларини амалиётга тўлиқ татбиқ этиш, жисмоний имконияти чекланган ва ногиронлиги бўлган шахсларнинг спорт фаолиятини ҳар томонлама қўллаб-қувватлаш;

куйидагилар:

2024 йил Париж шаҳрида (Франция) бўлиб ўтадиган XXXIII ёзги Олимпия ва XVII Паралимпия ўйинларига Ўзбекистон спортчиларини тайёрлаш дастури 1-иловага мувофиқ;

2024 йил Париж шаҳрида (Франция) бўлиб ўтадиган XXXIII ёзги Олимпия ва XVII Паралимпия ўйинларига тайёргарлик кўриш бўйича мақсадли кўрсаткичлар (кейинги ўринларда - Мақсадли кўрсаткичлар) 2-иловага мувофиқ;

2024 йил Париж шаҳрида (Франция) бўлиб ўтадиган XXXIII ёзги Олимпия ва XVII Паралимпия ўйинларига тайёргарлик кўрувчи Ўзбекистон миллий терма жамоаларининг контингенти 3-иловага мувофиқ тасдиқланганлиги;

белгиланишича, мақсадли кўрсаткичлар:

Олимпия ўйинлари бўйича 244 та дастурда иштирок этиш ҳамда 26 та спорт турлари бўйича 103 та лицензияни, шу жумладан 8 та истиқболли олимпия спорт турлари бўйича (бадминтон, стол тенниси, қояни забт этиш, сув полоси, синхрон сузиш, сувга сакраш, от спорти, триатлон) 31 та дастурда иштирок этиш ва лицензияларни қўлга киритишни;

Паралимпия ўйинлари бўйича 476 та дастурда иштирок этиш ҳамда 12 та спорт турлари, шу жумладан бочча, парастол тенниси, паракамондан отиш, паравелоспорт бўйича жами 105 та лицензияни қўлга киритишни назарда тутиши;

Халқаро олимпия қўмитаси томонидан 2020 йил декабрда қабул қилинган қарорга асосан 2024 йилдаги Олимпия ўйинларида илк бор гендер тенглик таъминланиб, эркаклар ҳамда аёллар учун қатнашиш ҳуқуқини берувчи лицензиялар сони тенг равишда белгилаб берилганлиги;

2024 йил Париж шаҳрида (Франция) бўлиб ўтадиган XXXIII ёзги Олимпия ва XVII Паралимпия ўйинларига Ўзбекистон спортчиларини тайёрлаш мақсадида спорт федерация (ассоциация)ларига бириктирилган спорт базалари рўйхати 4-иловага мувофиқ тасдиқланганлиги;

2024 йил Париж шаҳрида (Франция) бўлиб ўтадиган XXXIII ёзги Олимпия ва XVII Паралимпия ўйинларига Ўзбекистон спортчиларини тайёрлаш бўйича Республика комиссияси (кейинги ўринларда - Республика комиссияси) таркиби 5-иловага мувофиқ тасдиқланганлиги;

Туризм ва спорт вазирлиги, Ўзбекистон Миллий олимпия қўмитаси, Ўзбекистон Миллий паралимпия қўмитаси, олимпия ва паралимпия спорт турлари бўйича федерация (ассоциация)лар томонидан белгиланган тартибда шакллантириладиган рўйхатлар бўйича хориждан олиб келинадиган, Ўзбекистон Республикасида ишлаб чиқарилмайдиган спорт анжомлари, жиҳозлари, ускуналари, сунъий спорт майдонлари ва уларнинг ёрдамчи ускуналари (шу жумладан, махсус машғулот тренажёрлари, замонавий илмий технология воситалари), махсус спорт кийимлари (экипировкалар), компьютер техникаси, мультимедиа маҳсулотлари, спорт тиббиёти жиҳозлари, тиббий биологик ва фармакологик препаратлар 2024 йил 1 октябрга қадар божхона божидан озод этилганлиги;

белгиланишича, Олимпия ва Паралимпия ўйинларига мақсадли тайёргарлик кўриш доирасида олимпия ва паралимпия спорт турлари бўйича:

Ўзбекистон Миллий олимпия қўмитаси ҳамда Ўзбекистон Миллий паралимпия қўмитаси маблағлари ҳисобидан спортчи ва тренерларга Республика комиссияси томонидан белгиланадиган миқдорда стипендия кўринишида ҳар ойда тўланадиган тўловлар тайинланиши;

миллий терма жамоалар спортчилари, тренерлари ва бошқа мутахассислари учун ҳар ойлик стипендиялар, бир марталик тўланадиган пул мукофотлари, қимматбаҳо совғалар ва бошқа ёрдам кўринишида олинадиган тўловлар жисмоний шахслардан олинадиган даромад солиғига тортилмаслиги ва уларга ижтимоий солиқ ҳамда суғурта бадаллари ҳисобланмаслиги эътиборга олинсин.

3. Туман ҳокимининг ўринбосари (С.Турсунов):

а) Туман туризм ва спорт бўлими (Ў.Олимов) билан келишилган ҳолда бир ой муддатда Олимпия ва Паралимпия ўйинларига миллий терма жамоа спортчиларининг сифатли тайёргарлик кўришини таъминлаш мақсадида мақсадли кўрсаткичлар бўйича туман дастурини ишлаб чиқсин ва тасдиқласин.

Бунда, куйидагилар назарда тутилсин:

спорт базаларининг бюджетдан ташқари ва ҳомийлар маблағлари ҳисобидан қурилиши, қайта қурилиши, капитал таъмирланишини таъминлаш, уларнинг тўлиқ ишлатилиши учун тегишли шарт-шароитлар яратиш, замонавий спорт анжомлари ва жиҳозлари, шу жумладан автотранспорт воситалари билан таъминлаш;

Олимпия ва Паралимпия ўйинларига тайёргарлик кўраётган миллий терма жамоа спортчилари, тренерлари ва бошқа мутахассисларини моддий ва ижтимоий қўллаб-қувватлаш, уларнинг маиший шароитларини яхшилаш;

Олимпия ва Паралимпия ўйинларига тайёргарлик кўраётган туман терма жамоа спортчилари, тренерлари ва бошқа спорт мутахассисларининг республика ва халқаро спорт тадбирлари ҳамда ўқув-машғулот йиғинларида узлуксиз иштирокини таъминлаш;

б) Ўзбекистон Республикаси Президентининг 2020 йил 24 январдаги “Ўзбекистон Республикасида жисмоний тарбия ва спортни янада такомиллаштириш ва оммалаштириш чора-тадбирлари тўғрисида”ги ПФ-5924-сон Фармони билан устувор, истиқболдаги, ривожланаётган спорт турларига ихтисослаштирилган туманда мазкур Фармон билан белгиланган тегишли спорт турларини ривожлантириш ва оммалаштириш ҳамда зарур шарт-шароитлар яратиш чораларини кўрсин;

в) жойларда олимпия ва паралимпия спорт турларини ривожлантириш ва мувофиқлаштириш, услубий қўллаб-қувватлаш ва мониторинг қилиш мақсадида спорт федерация (ассоциация)ларининг туман бўлинмаларини ташкил этсин, шунингдек, уларнинг молиявий ва моддий-техник базасини мустаҳкамлашга кўмаклашсин;

г) жойлардаги раҳбар кадрлар орасидан номзодларни спорт федерация (ассоциация)лари туман бўлинмаларининг раҳбари лавозимига тавсия этиш чораларини кўрсин.

4. Туман ҳокимининг ўринбосари (С.Турсунов), туман туризм ва спорт бўлими (Ў.Олимов), туман “Ёрқин ҳаёт” газетаси (С.Нажмиддинова), Ўзбекистон Республикаси Президентининг 2021 йил 5 ноябрдаги ПК-5281-сонли ва шу ҳақидаги вилоят ҳокимини 2021 йил 14 ноябрдаги 357-6-0-Q/21-сонли қарорларининг мазмун-моҳияти, Олимпия ва Паралимпия ўйинларига тайёргарлик кўраётган Ўзбекистон спортчилари тўғрисида қисқа метражли видеороликлар ҳамда махсус кўрсатувлар тайёрланишини ва оммавий ахборот

воситаларида кенг ёритилишини таъминласин.

5. Мазкур қарорнинг бажарилишини назорат қилиш туман ҳокимининг ўринбосари С.Турсунов зиммасига юклансин.

Туман ҳокими



А.Вахобов